

**AMANDMANI UDRUŽENJA POSLODAVACA FBIH NA PRIJEDLOG ZAKONA O IZMJENAMA I  
DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BOSNE I  
HERCEGOVINE**

**AMANDMAN I**

U članu 1. Prijedloga Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine u stavu 1. tački 1. člana 3. iza riječi „je“ dodaju se riječi „centralna jedinstvena elektronska“.

Tačka 2. mijenja se i glasi:

Registracioni organ - Finansijska informatička agencija koja je nadležna za poslove registracije i upis u registar subjekata upisa.

Tačka 3. briše se.

U tački 4. riječi „registarskog suda“ mijenjaju se riječima „registracioni organ“.

U tački 5. riječi „svih registarskih sudova“ mijenjaju se riječima „registracioni organ“. Na kraju rečenice briše se tačka, dodaje zarez i riječi „organom nadležnoga za vođenje centralne evidencije JMB (IDDEEA), i drugim institucijama i registrima čiji podaci su potrebni za upis u registar, a koje je potrebno voditi u skladu sa drugim propisima.

Iza tačke 6. dodaje se nova tačka 7. koja glasi:

**Web stranica registra** - sistem registra koje omogućuje pretraživanje i uvid u javne podatke iz glavne knjige, kao i javno objavljene podatke o sadržaju provedenih upisa u registru, odnosno javno objavljene odluke za koje je zakonom određeno da će se objaviti na način na koji se objavljuje upis u registar.

U tački 8. riječi „sud nadležan“ mijenjaju se riječima „registracioni organ“. U istoj tački u ostalom tekstu riječi „sudskog“ brišu se.

U tački 10. iza riječi „su i“ dodaju se riječi obrti i srodne djelatnosti i drugi“

U tači 11. riječi „u registarskom sudu“ mijenjaju se riječima „registracionom organu“. U istoj tački riječi „drugog registarskog suda“ mijenjaju se riječima „registracionog organa“.

U tački 14. riječ „sudski“ briše se.

U tački 15. riječ „sudski“ briše se.

U tački 16. riječi „sudskog“ brišu se.

Tačka 19. briše se.

## Obrazloženje

Predloženo rješenje koje podrazumijeva i dalje registraciju od strane sudova nije dobro. Sudovi su preopterećeni i ukoliko se zadrži postojeće rješenje teško da će doći do skraćanja i olakšavanja postupka registracije. Također, bitno je napomenuti da je zadatak sudova da sude, a ne da vode registraciju. U konsultacijama sa predsjednicima sudova, predsjednici sudova su izrazili saglasnost da se registracija može povjeriti i nekoj drugoj instituciji.

Shodno navedenom, predlažemo da za postupak registracije i vođenje Registra poslovnih subjekata bude nadležna Finansijsko-informatička agencija. Prema Zakonu o Finansijsko-informatičkoj agenciji („Sl. novine Federacije BiH“ broj 80/11) propisana je djelatnost FIA-e, a jedna od nadležnosti između ostalog je i vođenje registara propisanih zakonom. Finansijsko-informatička agencija je i osnovana da vodi Registre i vrši registraciju i upotpunosti ima kapacitete za to.

Prenošenjem nadležnosti registracije sa sudova na FIA-u doći će do rasterećenja sudova a postupak registracije će biti znatno skraćen, jeftiniji i efikasniji. Ukoliko se prihvati ovaj amandman to će dovesti do bržeg, jeftinijeg i efikasnijeg postupka registracije privrednih subjekata.

Uparedno pravna analiza zakonodavstava Evropskih država, pokazuje da su za registraciju poslovnih subjekata nadležne posebne agencije, kao što je Finansijsko-informatička agencija u FBiH. U državama EU se napušta sistem u kojem registre vode sudovi i svakim danom je sve manje država u kojem registre vode sudovi. U zemljama u regionu se također napušta ovaj sistem, u Republici Srpskoj postoji Agencija za posredničke, informatičke i finansijske usluge, u Srbiji postupak registracije i Registar vodi Agencija za privredne registre, u Crnoj Gori to radi porezna Uprava, u Hrvatskoj rade notari, ali je bitno napomenuti da je Hrvatskoj u proceduri Zakon kojim je predviđeno da se vođenje registra sa sudova prebaci na trgovačku komoru. U Italiji također to rade privredne komore, a u najvećem broju zemalja rade posebna upravna tijela ili odjeli pri pojedinim ministarstvima. Ovaj prijedlog je potpuno definisan u skladu sa Evropskim direktivama.

Shodno predloženom, neophodno je izmijeniti član 3. kojim se definiraju upotrebljeni izrazi u Zakonu, kako je predloženo amandmanom I.

## AMANDMAN II

U članu 3. Prijedloga Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine kojim se mijenja član 5. Zakona dodaje se novi stav 2. koji glasi:

„U članu 5. u stavu 2. iza riječi „zadružni savezi“ dodaju se riječi „obrti i srodne djelatnosti“.  
Ostali tekst se nastavlja.

## Obrazloženje

Predlažemo da se definiše da FIA vrši registraciju i vodi registar za Obrte i srodne djelatnosti. Veoma je bitno da Registar za obrte i srodne djelatnosti postoji na jednom mjestu. Ovo rješenje je definisano u saradnji sa predstavnicima FIA-a i premam informacijama FIA ima kapacitete za vođenje i ovog registra.

### AMANDMAN III

U Prijedlogu Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine iza člana 4. dodaje se novi član 5. koji glasi:

#### Član 5.

„Iza člana 7. dodaju se novi član 7a. koji glasi:

#### Član 7a.

##### Registar vlasnika poslovnih subjekata

- 1) FIA vodi jedinstven Registar fizičkih i pravnih lica koja učestvuju najmanje sa 5% i više u osnovnom kapitalu registrovanog poslovnog subjekta, bilo da su osnivači ili su kasnije pristupila, uključujući i lica čije je članstvo u poslovnom subjektu prestalo - Registar vlasnika poslovnih subjekata.
- 2) Registar vlasnika poslovnih subjekata se vodi za Federaciju Bosne i Hercegovine. Fizička i pravna lica iz stava 1. ovog člana upisuju se po abecednom redu.
- 3) Registar vlasnika poslovnih subjekata sadrži, naročito:
  - a) ime i prezime fizičkog lica, njegovo boravište odnosno prebivalište i JMB koje je osnivač ili je kasnije pristupilo;
  - b) puni naziv firme, sjedište i oblik organizovanja pravnog lica i MBS koje je osnivač ili je kasnije pristupilo;
  - c) podatke iz tačke 1. i 2. za lica čije je članstvo prestalo;
  - d) puni naziv firme, sjedište, oblik organizovanja poslovnog subjekta i MSB u kome lice iz tačke 1. i 2. ovog stava ima učešće;
- 4) Organi koji su bili nadležni za registraciju za postojeće poslovne subjekte, dužni su FIA-i, dostaviti podatke iz stava 3. ovog člana najkasnije u roku od 30 dana od uspostavljanja elektronskog sistema i Registra vlasnika poslovnih subjekata.
- 5) Fizičke i pravne osobe iz stava 1. u slučaju promjena vlasništva, dužne su u roku od 15 dana od nastanka promjena FIA-e prijaviti promjene podataka.
- 6) Podaci iz Registra vlasnika poslovnih subjekata su javni. Svako može bez dokazivanja pravnog interesa izvršiti uvid u podatke ili zahtijevati da mu se izda prepis tih podataka izuzev podataka čija je zaštita ili tajnost propisana drugim zakonima.
- 7) FIA će Registar vlasnika poslovnih subjekata uspostaviti najkasnije u roku od šest mjeseci nakon stupanja na snagu ovog Zakona.

## Obrazloženje

Predloženom Izmjenom se definiše obaveza uspostavljanja novog registra a to je Registar vlasnika poslovnih subjekata. BiH je preuzela obaveze iz Sporazuma o stabilizaciji i pridruživanju, a inače to je i političko opredjeljenje svih da se smanjuje prostor za korupciju da se poboljša transparentnost rada. Upravo uspostavljanje ovog registra ima za cilj sprječavanja zloupotrebe pravnih subjekata i njihovih povezanih lica za pranje novca i porezne prevare kao i povećanja transparentnosti i dostupnosti podataka o stvarnom vlasništvu. Uvođenje javnog pristupa Registru stvarnih vlasnika pravnih subjekata dovodi do jačanja transparentnosti i dostupnosti podataka o stvarnom vlasništvu.

Imajući u vidu da prema predloženoj izmjeni Zakona u članu 76. definisano da se rješenje o registraciji osnivanja odnosno statusne promjene obavezno dostavljaju FIA-a, to će omogućiti da FIA može voditi registar. Također, u članu 7a. predloženo je da dosadašnji registracioni organi dostave podatke u roku od 30 dana od dana uspostavljanja Registra. Pošto se radi o novoj vrsti registara, koji nisu do sada vođeni, njihova uspostava bi zahtijevala dodatni trajni angažman FIA.

Prema prijedlogu u Registar vlasnika poslovnih subjekata upisuju se pravna i fizička lica za cijelu FBiH i to ona koja učestvuju u osnovnom kapitalu poslovnih subjekata najmanje 5% i više jer, razlog zato leži u činjenici što lica sa tom visinom udjela mogu prema Zakonu o privrednim društvima predlagati pitanja i odluke za skupštinu, izmjene dnevnog reda i prijedloga odluka, predlagati kandidate za članove nadzornog odbora (čl. 228, 249). Veoma je važno da postoji taj Registar i spisak osoba koje učestvuju u navedenim radnjama, odnosno da se zna koji su ti subjekti. Navedeni registar ima za cilj da se ima uvid osoba u društvima koji imaju ovlaštenja po Zakonu o privrednim društvima.

Uspostava navedenog registra ima za cilj povećanja transparentnosti kada su u pitanju vlasnici kompanija, te smanjenje korupcije i mogućnosti stvaranja fiktivnih firmi. Na ovaj način bi se spriječilo fiktivno prikazivanje vlasništva i omogućio uvid u stvarne vlasnike i sužava se prostor za izvačenja novca iz države.

Također, Registar vlasnika poslovnih subjekata treba, iz jednog registra, da pruži informacije investitorima koje su potpunije od onih koje vodi statistika. To je značajno kod ocjene: u kojim privrednim subjektima određeno lice ima učešće, veličina učešća i stepen uticaja, postojanje konflikta interesa, postojanje ličnih interesa.

Ovakve jedinstvene registe poznaju sve zemlje u Evropi i većina zemlja u regionu. Također bitno da je uspostavljanje navedenog registra u skladu sa Direktivom 2009/101/EZ. Shodno Direktivi države članice dužne su uspostaviti Registar vlasnika u kojem će se upisivati i čuvati odgovarajući, tačni i ažurirani podaci o stvarnim vlasnicima.

**ČLAN 5. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 6.**

## **AMANDMAN IV**

U Prijedlogu Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine član 5. koji postaje član 6. mijenja se i glasi:

### **Član 6.**

„Član 8. mijenja se i glasi:

- (1) Registar za područje Federacije vodi Finansijsko informatička agencija.
- (2) Upis u Registar vrši registracioni organ na osnovu registracione prijave u skladu sa ovim zakonom.
- (3) Odgovorna ovlaštena osoba registracionog organa i nadležna služba Vlade Federacije Bosne i Hercegovine u kojoj je smješten sistem registra dužni su sprovoditi mjere osiguranja i zaštite pohranjivanja podataka, kao i mjere održavanja i provjere ispravnosti rada elektronskog sistema.
- (4) Osiguranje neophodnih kadrovskih, tehničkih i organizacionih uslova funkcionisanja sistema registra, kao i za tačno i ažurno pohranjivanje podataka u jedinstvenu bazu te uredno provođenje mjera sigurnosti, u nadležnosti je odgovorene osobe u FIA-e.
- (5) Svaka dostava podataka elektronskim putem van zaštićene mreže koja kao posljedicu ima upis podataka u jedinstvenu bazu registra mora biti kriptirana i zaštićena od neovlaštenih izmjena od strane trećih lica.
- (6) Svaki prenos podataka elektronskim putem van zaštićene mreže iz jedinstvene baze registra u druge sisteme mora biti kriptiran i zaštićen od neovlaštenih izmjena od strane trećih lica.“

### **Obrazloženje**

Predloženo rješenje koje podrazumijeva da Registar i dalje vode sudovi nije dobro. Sudovi su preopterećeni i ukoliko se zadrži postojeće rješenje teško da će doći do skraćivanja i olakšavanja postupka registracije. Također, bitno je napomenuti da je zadatak sudova da sude a ne da vode registraciju.

Shodno navedenom, predlažemo da vođenje Registra poslovnih subjekata bude nadležna Finansijsko-informatička agencija. Prema Zakonu o finansijsko-informatičkoj agenciji („Sl. novine Federacije BiH“ broj 80/11) propisana je djelatnost FIA-e, a jedna od nadležnosti između ostalog i vođenje registara propisanih zakonom. Finansijsko-informatička agencija je i osnovana da vodi Registre i vrši registraciju i u potpunosti ima kapacitete za to.

Prenošenjem nadležnosti vođenja Registra od strane sudova na FIA-u doći će do rasterećenja sudova. Ukoliko se prihvati ovaj amandman to će dovesti do bržeg, jeftinijeg i efikasnijeg postupka registracije privrednih subjekata.

Uporedno pravna analiza zakonodavstava Evropskih država, pokazuje da su za registraciju poslovnih subjekata nadležne posebne agencije, kao što je Finansijsko-informatička agencija u FBiH. U državama EU se napušta sistem u kojem registre vode sudovi i svakim danom je sve manje

država u kojem registre vode sudovi. U zemljama u regionu se također napušta ovaj sistem, u Republici Srpskoj postoji Agencija za posredničke, informatičke i finansijske usluge, u Srbiji postupak registracije i Registar vodi Agencija za privredne registre, u Crnoj Gori to radi porezna Uprava, u Hrvatskoj rade notari, ali je bitno napomenuti da je Hrvatskoj u proceduri Zakon kojim je predviđeno da se vođenje registra sa sudova prebaci na trgovačku komoru. U Italiji također to rade privredne komore, a u najvećem broju zemalja rade posebna upravna tijela ili odjeli pri pojedinim ministarstvima. Ovaj prijedlog je potpuno definisan u skladu sa Evropskim direktivama.

Također bitno je napomenuti da se predložena izmjena sadrži rješenje iz člana 5. Prijedloga Izmjena Zakona kojim se u članu 8. dodaju stavovi 9., 10., 11., i 12, a koji su u ovom prijedlogu sadržani u stavovima 3., 4., 5. i 6. uz korekciju nadležnosti sa suda na FIA-u.

#### **AMANDMAN V**

U Prijedlogu Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine iza člana 5. koji je postao član 6. u dodaje se novi član 7. koji glasi:

#### **Član 7.**

„Član 9. se briše.“

#### **Obrazloženje**

Obzirom da predlažemo jedinstvenu bazu podataka koju vodi FIA član 9. u trenutno važećem Zakonu treba brisati obzirom da definira nadležnost sudova u slučaju promjene sjedišta subjekta upisa.

**ČLAN 6. i 7. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJU ČLANOVI 8. i 9.**

#### **AMANDMAN VI**

U Prijedlogu Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine iza člana 7. koji je postao član 9. dodaje se novi član 10. koji glasi:

#### **Član 10.**

„U članu 15a. u stavu 1. tački 7) poslije riječi „ uplaćenih“ dodaju se riječi „odnosno unesenih “ a dalji tekst se nastavlja.

U istom članu u stavu 1. dodaju se nove tačke 8. i 9. koje glase:

(8) konsolidovani bilans društva, u zemlji i inostranstvu čiji osnivač ili suvlasnik sa kapitalom od najmanje 5% posjeduje u posljednje 3. godine, odnosno od dana osnivanja, ako su osnovana kasnije;

(9) potvrdu ovlaštenog suda da nije pokrenut stečajni ili likvidacioni postupak.“

### **Obrazloženje**

Dodavanjem riječi u tački 7. vrši se usklađivanje sa članom 45. Zakona o privrednim društvima. Prema ZPD uloženi mogu biti u novcu, stvarima i pravima. Uloženi u novcu se uplaćuju, a uloženi u stvarima i pravima se unose i izražavaju u novcu.

Prijedlog da se doda tačka 8. ima za cilj i usmjeren je u pravcu da se spriječe manipulacije osnivača kompanije u sprezi sa sestrinskim firmama u okviru grupacije. Stoga je potrebno da se prezentira konsolidovani bilans društva kada je osnivač vlasnik ili suvlasnik sa kapitalom od najmanje 5% u posljednje tri godine odnosno od datuma osnivanja ako su kasnije osnovana. Potrebna je, dakle, relevantna informacija (konsolidovani bilans) o odnosima kapitalno povezanih firmi koju povjerioci moraju imati.

Također, dodavanje tačke 9. ima za cilj sprječavanje zloupotreba i izvlačenje novca od strane firmi koje su u stečaju. Potrebno prezentirati dokaz suda da na osnivaču (društvu) nije pokrenut stečajni ili likvidacioni postupak. U protivnom, može se desiti da se na tržištu zasnivaju obaveze iako je firma osnivač u postupku stečaja ili likvidacije što bi moglo ugroziti pravnu sigurnost na tržištu i oštećenje povjerilaca. Kao primjer možemo navesti TUŠ, OSJEK Kotex i drugi koji su oštetili povjerioce u BiH.

**ČLAN 8. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 11.**

### **AMANDMAN VII**

Iza člana 8. koji postaje član 11. dodaje se novi član 12. koji glasi:

#### **Član 12.**

U članovima 13., 22., 23., 24., 25., 26., 27., 28., 29., 30., 33., 36., 38., 39., 42. i 48. riječi:

„notarski obrađenog“, „notarski obrađeni“, „notarski utvrđen“, „notarski obrađen“, „notarski obrađene“, „notarski obrađena“ brišu se.

### **Obrazloženje**

Ovaj amandman odnosi se na usklađivanje sa presudom Ustavnog suda FBiH, broj: U-22/16 od 06. 03. 2019. godine, i presudom Ustavnog suda Federacije Bosne i Hercegovine, broj: U-15/10 od 02.12.2015. godine.

Prema prvoj presudi broj U-22/16 odredbe Zakona su trebale biti usklađene 6 mjeseci od donošenja presude odnosno do septembra 2020. godine. To do sada nikada nije urađeno i potrebno je odredbe Zakona uskladiti sa ovom presudom.

Drugom presudom Ustavnog suda Federacije Bosne i Hercegovine, broj: U-15/10 od 02.12.2015. godine navedeni članovi se stavljaju van snage. Dakle, navedeni članovi se ne primjenjuju u praksi. Iako i dalje u Zakonu o registraciji poslovnih subjekata stoji obavezna notarska obrada isprava i akta poslovnih subjekata, sudovi te odredbe u praksi ne primjenjuju. Dakle, imajući u vidu da se odredbe ne primjenjuju u praksi ovdje se radi sa usklađivanjem i sa presudom ali i sa praksom.

#### **AMANDMAN VIII**

Iza člana 12. dodaje se novi član 13. koji glasi:

Član 13.

Iza člana 30. dodaje se član 31a. koji glasi:

**„31a.**

#### **Isprave za upis u Registar obrta i srodnih djelatnosti**

- (1) Registracija obrta vodi se u skladu sa Zakonom o obrtu i srodnim djelatnostima.
- (2) Obrt se upisuje u Obrtni registar koji vodi FIA.
- (3) Oblik i način vođenja Obrtnog registra propisuje federalni ministar razvoja, poduzetništva i obrta.“

#### **Obrazloženje**

Predloženim izmjenama predlaže se da FIA vodi Registar obrta i srodnih djelatnosti. U tom smislu potrebno je definisati i isprave za upis u Registar obrta i srodnih djelatnosti.

**ČLAN 9., 10., 11 i 12. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJU ČLANOVI 14., 15., 16 i 17.**

#### **AMANDMAN IX**

U članu 12. Prijedloga Zakona o izmjenama i dopunama Zakona o registraciji poslovnih subjekata u Federaciji BiH koji postaje član 17. stav 1. člana 50. mijenja se i glasi:

„(1) Po prijemu prijave registracioni organ bez odgode a najkasnije u roku od jednog dana, od dana prijema registracione prijave dužna je elektronski provjeriti podatke sa zahtjeva, provjeriti identitet podnosioca prijave, isključivost firme subjekta registracije, te ispitati da li su ispunjeni uslovi za upis u Registar.

U predloženom stavu 2. iza riječi „odmah“ dodaju se riječi „a najdalje u roku od jednog dana“. Ostali tekst se nastavlja.“



## **Obrazloženje**

Prijedlogom člana 12. nisu precizirani rokovi za provjeru podataka podnosioca prijave kao ni rok za dostavljanje elektronske prijave nadležnim organima. U tom smislu amandmanom je predloženo preciziranje rokova. Preciziranje rokova ima za cilj smanjenja rokova za registraciju a što je i jedan od ciljeva izmjene zakona.

Pored utvrđivanja navedenih rokova amandman ima za cilj i usklađivanje sa prijedlogom da registraciju vodi FIA.

## **AMANDMAN X**

Iza člana 12. koji postaje član 17. Prijedloga Zakona o izmjenama i dopunama Zakona o registraciji poslovnih subjekata u Federaciji BiH dodaje se novi član 18. koji glasi:

### **Član 18.**

Član 57. mijenja se i glasi:

### **Član 57.**

#### **Odluke organa nadležnog za registraciju**

- (1) U postupku upisa u Registar registracioni organ odlučuje rješenjem ili zaključkom.
- (2) Rješenjem se odlučuje o zahtjevu za upis osnivanja i svih promjena podataka od značenja za pravni promet koje se unose u Registar.
- (3) Zaključkom organ odlučuje o pitanjima koja se odnose na tok postupka.
- (4) FIA može odbiti prijavu za registraciju samo u slučajevima predviđenim ovim zakonom.
- (5) O zahtjevu za upis u Registar odlučuje FIA-a, a u drugom stupenu nadležno ministarstvo pravde.
- (6) U postupku za upis u Registar nije dopušteno vraćanje u pređašnje stanje i nema mirovanja postupka.
- (7) Protiv pravosnažnog rješenja o upisu u Registar nije dopuštena revizija niti ponavljanje postupka.
- (8) U postupku upisa u Registar na pitanja koja nisu uređena ovim zakonom shodno se primjenjuju odgovarajuće odredbe Zakona o upravnom postupku.“

## **Obrazloženje**

Ovaj amandman na izmjenu postojećeg člana 57. a koji nije obuhvaćen Prijedlogom Zakona ima za cilj usklađivanje sa prijedlogom prenosa nadležnosti registracije sa sudova na FIA-u. U tom smislu definisano je da FIA odlučuje rješenjem ili zaključkom. Definisano je precizno u kojim postupcima FIA donosi rješenje a u kojim pitanjima odlučuje zaključkom. Također je obezbijeđen princip dvostepenosti koji za razliku od postojećeg rješenja gdje u drugostepenom postupku

rješava vijeće od trojice sudija u postupku registracije FIA drugostepeni organ je Ministarstvo pravde FBiH.

#### **AMANDMAN XI**

Iza novog člana 18. u Prijedlogu Zakona o izmjenama i dopunama Zakona o registraciji poslovnih subjekata u Federaciji BiH dodaje se novi član 19. koji glasi:

#### **Član 19.**

„Član 58. briše se.“

#### **Obrazloženje**

Materija koju definiše član 58. u postojećem Zakonu je već obuhvaćena u prethodnom članu tako da član 58. se briše iz tog razloga što je već definisano ukoliko se prihvati prethodni amandman.

**ČLAN 13. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 20.**

#### **AMANDMAN XII**

U članu 13. Prijedloga Zakona o izmjenama i dopunama Zakona o registraciji poslovnih subjekata u Federaciji BiH koji postaje član 20. stav 2. člana 59. mijenja se i glasi:

„(2) Rješenje o registraciji u materijalnom obliku, koji sadrži osnovne podatke o subjektu upisa, je ovjereno pečatom registracionog organa i sadrži datum donošenja rješenja, opće i posebne podatke utvrđene ovim zakonom.“

U stavu 3. riječi „nadležnog registarskog suda, ime i prezime sudije“ mijenjaju se riječima „organa nadležnog za registraciju“.

U stavu 4. riječi „kod suda“ brišu se.“ Ostali dio teksta ostaje isti.

#### **Obrazloženje**

Isto kao i za amandmane I.

**ČLANOVI 14-16. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJU ČLANOVI od 21-23.**

### **AMANDMAN XIII**

Član 16. Prijedloga Zakona o izmjenama i dopunama Zakona o registraciji poslovnih subjekata u Federaciji BiH koji postaje član 23. mijenja se i glasi:

#### **Član 23.**

“U članu 69. iza stava 1. dodaje se novi stav 2. koji glasi:

(2) Postupak za brisanje subjekta upisa iz Registra iz stava 1. regulisat će Pravilnikom nadležno ministarstvo pravde.

#### **Obrazloženje**

Ovaj amandman ima za cilj usklađivanja sa prijedlogom prenosa nadležnosti registracije sa sudova na FIA-u i u tom smislu u zakonu su definisani razlozi za brisanje a postupak brisanja je definisan na način da će Ministarstvo pravde donijeti pravilnik o postupku brisanja poslovnih subjekata.

### **AMANDMAN XIV**

Iza člana 23. dodaje se član 24. koji glasi:

#### **Član 24.**

U članu 71. iza stava 2. dodaju se stav 3 i 4. koji glasi:

(3) Postupak po zahtjevu za brisanje podnesenom od posebnih kategorija podnosilaca zahtjeva je hitan.

(4) Postupak za brisanje subjekta upisa iz Registra iz stava 3. regulisat će Pravilnikom nadležno ministarstvo pravde.

#### **Obrazloženje**

Kao za prethodni amandman.

### **AMANDMAN XV**

Iza člana 24. dodaje se član 25. koji glasi:

#### **Član 25.**

**Članovi 70., 72., i 73. brišu se.**

#### **Obrazloženje**

Isto kao i za prethodne amandmane.

## **ČLAN 17. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 26.**

### **AMANDMAN XVI**

U članu 17. Prijedloga Zakona o izmjenama i dopunama Zakona o registraciji poslovnih subjekata u Federaciji BiH koji postaje član 26. u stavu 1. člana 74. riječi „sud“ mijenjaju se sa rječju „registracioni organ“.

U stavu 2. riječi „nadležni registarski sud“ mijenjaju se sa rječju „registracioni organ“.

U stavu 3. riječ „sud“ mijenja se sa rječju „registracioni organ“.

U stavu 5. riječ „sud“ mijenja se sa rječju „registracioni organ“.

U stavu 6. riječ „sud“ mijenja se sa rječju „registracioni organ“. Iza riječi „poreznog broja“ se dodaju riječi „odmah, a najkasnije u roku od jednog dana od dostavljanja poreznog broja“.

### **Obrazloženje**

Amandman pored usklađivanja sa prijedlogom prenosa nadležnosti sa sudova na FIA-u u predloženim izmjenama u stavu 6. definiše rok za izdavanje rješenja. Potrebno je precizirati rok za izdavanje rješenja od dostavljanja poreznog broja, jer je glavni razlog i cilj za donošenje ovog zakona pojednostavljenje i skraćivanje rokova za registraciju. Ukoliko se navedeni rok ne definiše ponovno se ostavlja mogućnost da registracija poslovnih subjekata traje i po nekoliko mjeseci.

### **AMANDMAN XVII**

U Zakonu o izmjenama i dopunama Zakona o registraciji poslovnih subjekata u Federaciji BiH iz člana 17. koji je postao član 26. dodaje se novi član 27. koji glasi:

#### **Član 27.**

„Član 75. mijenja se i glasi:

- (1) Prijavu za upis osnivanja subjekta upisa koji registrira vanjskotrgovinsku djelatnost registracioni će najkasnije u roku od jednog dana od dana prijema prijave, dostaviti nadležnoj carinskoj upravi za dobivanje carinskoga broja.
- (2) Uz prijavu za upis iz stavka (1) ovoga članka registracioni će pozvati nadležno carinsko tijelo da u roku od jednog dana od zaprimanja prijave dostavi carinski broj.
- (3) Ako nadležno carinsko tijelo ne dostavi carinski broj u ostavljenom roku, registracioni organ će izdati rješenje o registraciji bez carinskoga broja.“

### **Obrazloženje**

Navedenim amandmanom pored usklađivanja sa prijedlogom da FIA vrši registraciju poslovnih subjekata skraćen je rok za dostavljanje carinskog broja. Rok iz važećeg zakona sa 3 dana skraćen je na jedan dan. Potpuno je nepotrebo čekati 3 dana za dobivanje carinskog broja imajući u vidu da postoji elektronska razmjena podataka i da je sasvim dovoljan rok od jednog dana za

dostavljanje carinskog broja. Skraćivanje rokova ima za cilj što efikasnije vođenje postupka i smanjnja roka za okončanje postupka registracije poslovnog subjekta.

## **ČLANOVI 18. i 19. U PRIJEDLOGU ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 28 i 29.**

### **AMANDMAN XVIII**

U Prijedlogu Zakona o izmjenama i dopunama Zakona o registraciji poslovnih subjekata u Federaciji BiH iza člana 29. dodaje se novi član 30. koji glasi:

#### **Član 30.**

Iza člana 79. dodaje se novi član 79.a koji glasi:

#### **Član 79a. Naknade**

(1) Učesnici u postupku registracije koji su prijavu podnijeli elektronskim putem uplaćuju naknadu za upis u Registar koje iznose:

- za registraciju banake, društava za osiguranje odnosno reosiguranje - 50 KM
- za registraciju dioničkog društva - 50 KM
- za registraciju ostalih subjekata upisa - 20 KM
- za brisanje iz registra -5 KM

(2) Ukoliko se prijava za registraciju podnosi neposredno ili poštom naknade za upis u Registar iz stava 1. iznose:

- za registraciju banake, društava za osiguranje odnosno reosiguranje - 200 KM
- za registraciju dioničkog društva - 150 KM
- za registraciju ostalih subjekata upisa - 100 KM
- za brisanje iz registra -20 KM

(3) Plaćanje naknade iz stava 1. i 2. ovog člana uplaćuju se na odgovarajući račun FIA-e, a dokaz o uplati po svakom zahtjevu, odnosno registracionoj prijavi dostavlja se istovremeno sa podnošenjem zahtjeva FIA-e.

#### **Obrazloženje**

Članom 79a. definisane su naknade za upis u Registar kao i način plaćanja. Trenutno važeći Zakon propisuje plaćanje taksi sudovima, a obzirom da smo predložili da organ nadležan za registraciju bude FIA neophodno je i dodati odredbu o naknadi za upis u registar jer se u slučaju prenosa nadležnosti sa suda na FIA- u ne može plaćati sudska taksa.

Visine naknade za registraciju utvrđuju se posebno za prijave koje se dostavljaju elektronskim putem a posebno za prijave putem pošte. Razlog za to je što su troškovi registracije elektronskim putem manji od troškova registracije putem pošte ili neposredno. Prijave koje se dostavljaju

putem pošte zahtjevaju dodatno angažovanje osoblja zbog unošenje podataka, Zbog toga su troškovi za elektronsku prijavu niži.

Razlika u cijeni odnosno propisivanje nižih troškova za elektronsku prijavu ima za cilj da se stimulišu učesnici u postupku da prijave podnose elektronskim putem.

#### **AMANDMAN XIX**

U Prijedlogu Zakona o izmjenama i dopunama Zakona o registraciji poslovnih subjekata u Federaciji BiH iza novog člana 30. dodaje se član 31. koji glasi:

#### **Član 31.**

„Član 80. mijenja se i glasi:

(1) Novčanom kaznom u iznosu od 200,00 KM do 1.000,00 KM kaznit će se za prekršaj odgovorna osoba u FIA-e u slučaju da:

- a) glavnu knjigu registra, odnosno zbirku isprava, ne vodi i čuva u skladu sa propisima;
- b) od podnosioca prijave za registraciju, odnosno od učesnika u postupku registracije, zatraži isprave ili podatke koji ovim zakonom ili drugim propisom nisu predviđeni za uvjet upisa u Registar;
- c) bez osnovanog razloga zainteresiranoj osobi ne omogući uvid u podatke registra, odnosno na njen zahtjev ne izda izvod iz registra;
- d) bez osnovanog razloga ne izda rješenje o registraciji u roku propisanome ovim zakonom.

(2) Odgovornom osobom, u smislu ovoga člana, smatra se osoba zadužena za obavljanje poslova iz stavka (1) ovoga člana.

#### **Obrazloženje**

Novim članom 29. propisani su prekršaji i utvrđene novčane kazne za prekršaje za odgovorne osobe u FIA-e a u cilju usklađivanja sa prijedlogom prenosa nadležnosti sa suda na FIA-u. Trenutno su ove kazne utvrđene za ovlaštene osobe u sudu. Ukoliko se prihvati prenos nadležnosti onda se mora promijeniti i postojeći član 80. u Zakonu.

#### **ČLAN 20. ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 32.**

#### **AMANDMAN XX**

U Prijedlogu Zakona o izmjenama i dopunama Zakona o registraciji poslovnih subjekata u Federaciji BiH u članu 20. koji postaje član 32. dodaje se novi stav:

„U članu 81. stav 1. mijenja se i glasi:

(1) Ukoliko su ispunjeni uslovi za upis u Registar registracioni organ je dužna u roku od tri dana od dana uredno predate prijave donijeti Rješenje o upisu u Registar.“

U stavu 2. riječi „nadležni registarski sud“ se zamjenjuje riječju „registracioni organ“, a riječ „sudski“ se briše.

### **Obrazloženje**

Suština navedene izmjene je skraćivanje trenutno važećeg roka za izdavanje rješenja sa 5 dana na tri dana. Dakle, skraćivanje roka je veoma bitno. Potpuno nepotrebno zadržati rok od 5 dana, dok je u cijelom svijetu taj rok 24 sata. Naša primjedba je u potpunosti opravdana, jer je glavni razlog i cilj za donošenje ovog zakona pojednostavljenje i skraćivanje rokova za registraciju.

**ČLANOVI 21, 22. i 23 ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 33, 34. i 35.**

### **AMANDMAN XXI**

U Prijedlogu Zakona o izmjenama i dopunama Zakona o registraciji poslovnih subjekata u Federaciji BiH iza člana 23. koji postaje član 35. dodaje se novi član 36. koji glasi:

#### **Član 36.**

U članovima 3., 4., 6., 10., 11., 12., 13., 15a., 16., 21., 22., 25., 28., 29., 30., 31., 32., 32a., 45., 46., 48., 49., 49a., 52., 53., 54., 55., 59., 61., 62., 64., 65., 66., 67., 68., 69., 74., 76., 77., 78., 79., 81., 82., riječi „nadležni registarski sud“, „registarski sud“, „registarskog suda“, „svih registarskih sudova“, „u registarskom sudu“, „drugog registarskog suda“, „nadležnog registarskog suda“, „sud nadležan“, „nadležnom registarskom sudu“, „registarskim sudovima“, „sud“, „nadležnog registarskog suda, ime i prezime sudije“, „kod suda“, „svim registarskim sudovima“, „svi registarski sudovi“

mijenjaju sa riječima „registracioni organ“ u odgovarajućem obliku.

U riječima „sudski registar“ riječ „sudski“ briše se.

U riječima „registar suda“ riječ „suda“ briše se.

Riječi „registarskog sudije“ mijenjaju se riječima „ovlaštene osobe u registracionom organu“.

Riječi „neovisno od nadležnosti tog suda za registraciju“ brišu se.

Riječi „ovlaštenog službenika suda“ mijenjaju se riječima „ovlaštenog zaposlenika registracionog organa“.

Riječi „na oglasnoj tabli suda i internet stranici registra“ mijenjaju se riječima „na internet stranici registracionog organa“.

## Obrazloženje

Sušтина navedenih prijedloga je da umjesto suda registraciju vrši registracioni organ odnosno Finansijsko-informatička agencija. Predlaže se da za registraciju i vođenje Registra bude nadležna Finansijsko-informatička agencija, odnosno da se nadležnost registracije i vođenja registra poslovnih subjekata sa sudova prenese na FIA-u. Na ovaj način doći će do rasterećenja sudova a postupak registracije će biti znatno skraćen, jeftiniji i efikasniji. Ukoliko se prihvati navedeni prijedlog onda je kroz cijeli Zakon potrebno izvršiti usklađivanje u svim članovima kako je navedeno.

### **AMANDMAN XXII**

U Prijedlogu Zakona o izmjenama i dopunama Zakona o registraciji poslovnih subjekata u Federaciji BiH iza člana 36. dodaje se novi član 37. koji glasi:

#### **Član 37.**

„Član 83. mijenja se i glasi:

- (1) Registar će biti uspostavljen u roku od 6 mjeseci od dana stupanja na snagu ovog zakona.
- (2) Preuzimanje podatka o postojećim subjektima upisa iz dosadašnjih Registara bit će osigurano u roku od 6 mjeseci od dana primjene ovog zakona. Iz dosadašnjih Registara bit će preuzete sve utvrdive činjenice i isprave, na temelju kojih je moguće utemeljiti glavnu knjigu registra i zbirku isprava registra pojedinačno za svaki subjekt upisa sa svim obveznim podacima, kao i registracione isprave koje su arhivirane u dosadašnjim registrima, a po preuzimanju podataka i isprava raniji upis prestaje biti aktivnim.
- (3) U slučaju da se prilikom preuzimanja, na osnovu podataka i isprava, utvrdi kako neki subjekt upisa nije aktivan, regostracioni organ će pozvati subjekt upisa na adresu iz dostupnih isprava, odnosno registra, da se u roku od 30 dana izjasni o statusu, odnosno da dostavi potrebne podatke odnosno isprave.
- (4) Ako subjekt upisa ne postupi po traženju registracionog organa u roku iz stava 3. ovoga člana, FIA će zatražiti informaciju o subjektu upisa od nadležnog poreznog tijela prema sjedištu subjekta upisa.“

#### **Obrazloženje**

Kao i za amandman I. Ukoliko se prihvati prijedlog prenosa nadležnosti registracije sa sudova na FIA-u potrebno je u prelaznim i završnim odredbama definisati rok za uspostavu Registra i taj rok je 6 mjeseci od stupanja na snagu Zakona. Također potrebno je definisati da će postojeći registracioni organi u određenom roku dostaviti podatke iz registara koji su vođeni do sada.

**ČLAN 24. ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA U FEDERACIJI BIH POSTAJE ČLAN 38.**